

## **Akiliisitsisarnermut eqqartuussivimmut apequtigikulaarneqartartut**

### **Akiliisitsisarnermut eqqartuussivimmi ataatsiminneq**

Aningaasanik akiligassaqaruit, taava akiliisitsisarnermut eqqartuussivimmut aggersarneqarnissaavutut ataatsimiigiaqqusaallutit. Takkuttussaataavutit, aamma eqqortuinnarmik oqaluttussaataallutit. Nalinginnaasumik ataatsimiinnermi minutsit 5-10-it atorineqartarput oqaloqatigiinnermut.

Akiliisitsisarnermut eqqartuussivimmi suliani nalinginnaanerpaasuni inuk ataatsimiigiaqqusaasarpoq assersuutigalugu aningaasanik akiligassaqarnini pissutigalugu. Tamatut pisoqarnerani, aningaasanik pisassalik (akiligassaqarfik), akiliisitsisarnermut eqqartuussiviup ikiuunneratigut aningaasat akilersinniartarpei. Suliat amerlanersai ataatsimiinnermi siullermi aaqiissuteqarfigineqartarput, akiligassallip aamma akiligassaqarfiup isumaqatigiissusiorderisigut. Akiliisitsisarnermut eqqartuussivik illoqarfiup eqqartuussiviata ilagivaa.

### **Kikkut ataatsimiinnermi peqataasarpat?**

Akiliisitsartup ataatsiminneq isumagisarpaa aqullugulu. Kissaatigineqarpat aamma akiligassaqarfik najuussinnaavoq nammineq takkunnermigut imaluunniit oqarasuaatikkuq peqataanermigut.

### **Ataatsimiinnermi susoqartarpa?**

Aallarniutigalugu akiliisitsisartup oqaluttuutissavaatit, apequtigineqartunut akisussaataanerit pillugu, illit aamma illoqutippit aningaasaqarnerat pillugu, aamma eqqortuinnarmik oqalussasutit. Akiliisitsiniartup aamma oqaatigissavaa qanoq annertutigisunik aningaasanik akiligassaqarnerisutit.

Taava akiliisitsisartup aamma/imaluunniit akiligassaqarfiup apequtigissavai akiliinissannut periarfissatit pillugit. Ingerlaannartumik akiitsut tamakkerlgit akilersinnaanngikkukkit, nalinginnaasumik naafferartumik taarsersuinissamik aaqiinissamik isumaqatigiissusiorderisinnavaavutit. Nalinginnaasumik naaferaartumik taarsersuinissaq ingerlanneqartarpoq annerpaamik qaammatit qulit atorlugit, allatut isumaqatigiittoqanngippat. Nalinginnaasumik naaferaartumik taarsersuinnermi pigisatit nalillit – assersuutigalugu illuutit, biilit, smartphone nutaaq, qularnaveeqqusiissutit il.il. –

akiitsunut qularnaveeqqusiunneqassapput, akiitsut akilerneqareerserlugit. Tamanna tanneqartarpoq qularnaaveeqqutitut sillimmasiussineq. Piffissaq eqqorlugu naafferaartumik taarsersugassatit akilerukkit, pigisanut atuisinnaanerit piginnassavat.

### **Suna nassassavara?**

Pigisatit nalillit tigutiinnarneqassanngippata akiitsunut qularnaveeqqusiunneqarsimasunut piunnaasaqataavoq, piffissaq eqqorlugu naafferaartumik taarsersuinissamut isumaqatigiissutigineqartoq malillugu akiliinissat. Piffissaq eqqorlugu akilersuinngikkuit, imatut pisoqarsinnaavoq, akiligassaqarfik akiitsoqarfigisat noqqaassuteqarsinnaavoq pinngitsaalinnikkut akitsorterineq/pinngitsaalinnikkut tuniniaaneq piunnaallugu qularnaveeqqutitut sillimmasiussissutaasunik. Illillu pigisat nalillit pinngitsaaliissummik akitsorterinermit/pinngitsaaliissummi tuniniaanermit pigisatit nalillit annaassavatit.

### **Akiliisitsisarnermut eqqartuussiviliartariaqarpunga pigisaqanngikkuma, aamma akiitsunut qularnaveeqqusiussassaqanngikkuma?**

Akiliisitsisarnermut eqqartuussivimmut aggeqqusissummik tigusaqarsimaguit, taava pisariaqarpoq nammineerlutit takkunnikkut pillagaasinnaanermik akisussaaffeqarlutit akiliisitsisarnermut eqqartuussivik oqaluttuutissallugu, nalilinnik pigisaqarnak aamma akiitsutitit akilersinnaanagit. Tamannalu taanneqartarpoq akiliisinnaassuseqannginnermik nalunaarutitut. Nalunaarut taanna atuuttarpoq pissutsini akiligassaqarfinnut tamanut atuuffeqartutut piffissami qaammatit arfinillit iluanni. Tamatuma ”piffissami eqqissisitaanerup” malitsigivaa, aningaasanik akiligassaqarfitit aallaavittut noqqaassuteqarsinnaanngimmata, piffissap tamatuma iluani illit tunginnut qularnaveeqqutitut sillimmasiussiffigissallutit. Kisiannili aamma immikkut ittumik sulit akiliisitsisarnermut eqqartuussivimmit nutaamik aggersarneqarsinnaavutit, aamma qaammatit kingulliit arfinillit iluanni akiliisitsisarnermut eqqartuussivimmut nalunaaruteqarsimagaluaruilluunniit akiliisinnaassuseqannginnerarlutit.

### **Taavami akiitsunut apeqqut isumaqatigiinngissutigigutsigu?**

Pingaaruteqarpoq akiliisitsisarnermut eqqartuussivimmut takkunnissat, naak paasissutissat akiliisitsiniarnermit noqqaassummiittut isumaqatiginngikkaluarlugit. Ataatsimiinnermi periarfissaqarumaarputit illit isummannik oqaaseqarnissannik, akiliisitsisarnermut eqqartuussivik suliame aalajangiitinnagu. Isumaqaruit aningasanik akiitsoqarnak imaluunniit suliame allamik akerliliissutissaqaruit, ataatsimiinnerup iluani akilerliissuteqarsinnaavutit,



aamma uppersaasiissutissanik nassartariaqarputit, assersuutigalugu aningaasat akilersimasat akilersimaneritut uppersaammik. Naatsorsuutigisinnaassanngilat suliaq kinguartinneqassasoq uppersaatissanik pissarsiniarnissat pissutigalugu. Akiliisitsisarnermut eqqartuussiviup akerliliissutit isummerfigisinnaanngippagu, suliaq kinguartinneqassaaq ataatsimiinnissamut nutaamut eqqartuussisumik peqataasoqartussanngorlugu.

**Akiliisitsisarnermut eqqartuussivimmut ataatsimiinnissamut aggersarneqarsimavunga. Kisianni aggernissara puigorsimavara – taavami akiliisitsisarnermi eqqartuussivimmi ataatsimiinnissamut takkutinnikkuma?**

Akiliisitsisarnermut eqqartuussivimmut takkuttussaataavutit, kisianni, akiliisitsisarnermut eqqartuussivik allatut aalajangiisimanngippat, alla, illit sinnerlutit ataatsimiigiartissinnaavat. Taava piginnaatitsissummik immersuissaatit akiliisitsisarnermut eqqartuussivimmut aggersagaaninnut ilanngullugu tigusimasannut. Inuup sinnerlutit ataatsimiigiartup suliaq ilisimasaqarfigissavaa aamma illit aningaasaqarninnut tunngasut. Inuk taanna ilisimasaqanngippat, akiliisitsisarnermut eqqartuussiviup piumaffigisinnaavaatit nammineerlutit takunnissannik.

Sulisussaanerit pissutigalugu takkutinnngitsoorsinnaanngilatit.

Napparsimalissagalaruit takkuttussaataanngilatit. Akiliisitsisarnermi eqqartuussiviup piumasarisinnaavaa napparsimanerit nakorsap uppersaasiissutaanik uppersassagit.

Takkutinngitsooruit eqqortumik pissutissaqarnak nalunaaruteqarnallu, politiit kalerriuteqaqqaaratik takkussinnaapput aallutit. Taamaattumik tigummigallagassanngortinneqarnissat pinngitsoorniarlugu akiliisitsisarnermut eqqartuussivimmut saaffiginnissuteqassaait, allanik pissuteqartumik takkusinnaasimanngikkuit.

Eqqartuussissuserisoq imaluunniit akiligassaqarfik saaffigissavat, suliamik eqqartuussivimmut tunniusimasoq. Eqqartuussissuserisumut/akiligassaqarfimmut attaveqarnissamut paasissutissat noqqaassummi akiliisitseqqussummi immikkoortumi siullermi allassimapput, akiliisitsisarnermut eqqartuussivimmit tigusimasanni. Eqqartuussissuserisup/akiligassaqarfiup aningaasat tigugunigit, eqqartuussissuserisup/akiligassaqarfiup suliaq akiliisitsisarnermut eqqartuussivimmi suliassatut tunuartissavaa.

**Akiliisitsisarnermut eqqartuussivimmi ataatsimiinneq kia akilissavaa?**

Illit taannaaguit akiligassaqartoq, taava aamma illit suliami aningaasartuutit akilissavatit, assersuutigalugu eqqartuussivimmut akitsuut.

**Akiliisitsisarnermut eqqartuussiviup aalajangiinera maalaarutigisinnaavara?**

App. Akiliisitsisarnermut eqqartuussiviup aalajangiinera maalaarutigisinnaavat. Tamanna taaneqartarpoq aalajangeqqitassanngortitsinertut.

*Nalornissuteqaruit akiliisitsisarnermut eqqartuussivik saaffigiuk oqarasuaatikkut imaluunniit mailikkut:*

*Post.foged.sermersooq@domstol.gl Tlf. 299 363800*